

江

西

詩

徵

江西詩徵卷五十七

明

歐陽杲

杲字景初鄱陽人嘉靖十年鄉舉第一十上春官  
未仕多著述皆不傳

大水行

嘉靖己亥十八村大水夜撼番城翻連旬風雨暗南國城  
勢欲破魚龍吞城如蟻穴民如蟻穴將飄蕩民安存我欲  
起神禹排空叫天闢天闢高高禹穴遠此中何處招游魂  
嗚呼安得當年大宋渡蟻手編竹爲橋萬民走

張燾

燾字水波南昌人由嘉靖十年鄉舉官同知有崇古堂橐

秋思

木朝宣大屹秦關北轉河戎部落間魏闕頻看優詔下玉  
門誰唱凱歌還黃沙鼓角野狐嶺白日羊駝天馬山節鉞  
不來楊石遠蚤秋烽火照愁顏

中原舊服綠河套百戰翻成縮內邊空使健兒遺白骨不  
聞中帥給青錢六羸徑入榆林寨衆鴿橫飛好水川安得  
征西班牙節使坐收氐海淨狼煙

先鋒樓

噫嘆哉延城之山高兮天際頭况此城上更架百尺先鋒  
樓登樓一望浩無際但見萬里蜃氣滾滾直與蒼天浮三  
峰九溪不暇數時有倭雲刺日出沒亂我雙吟眸憶昔使  
君提兵駐此地雄據八郡當襟喉生靈百萬賴保障勞集  
不讓高密俟爾來兵力日綿薄肉食誰爲天王謀向來鄰  
郊有小警遂使五嶺欲撼杉關愁噫嘆哉粵山如昨粵水  
流壯士一去天爲憂安得使君溪前仗劍起潛消毒霧肅  
九州此樓空設休防秋

康山忠臣廟

高王捲甲南征日掃蕩亡陳向此洲焚炬未應誇勝算覆  
巢原已盡先籌江東父老空憐楚垓下山河盡屬劉寂寞

康山湖上廟至今煙雨不堪秋

王紹元

紹元字希哲金谿人嘉靖十年鄉舉授碭山令昇  
河決有功擢御史疏請罷馬市巡按貴陽宣慰安  
萬全擅首疏按之轉湖廣副使監軍斬獲流寇無  
算陞河南叅政致仕

翠雲洞

避地來山中山中友麋鹿白雲木無心朝朝戀空谷

孝女祠

鷓鴣峰頭山鬼愁白氣夜布銀光浮鑛收課額歲有會野  
火蔓燒何時休爐冶竭監吏逋桁楊日訊無完膚二女痛

父死莫甦以身代父爭號呼眼中見父不見火心有止水  
無紅爐爐中白璧雙媚媚至誠一念潛通天事聞天子改  
顏色下詔一罷千餘年只今山前綠滿歧小麥青青大麥  
肥食者報之曷有極歲時奔走陳蔬葵幽幽古廟生氣存  
羣鴉夜集愁黃昏芳蘭薜荔若在眼彷彿如見山河魂今  
平詔使江南來坑山赭石萬壑雷吁嗟山隘有時竭何人  
白骨添紅煨

朱衡

衡字士南萬安人嘉靖十一年進士累官工部尚  
書兼副都御史總理河漕尋召還神宗時與張居  
正不合力乞休詔加太子太保馳驛歸有鍾山稿

十四夜待月

日入石梁暝攜僧待華月萬籟方激瑩孤鐘助淒越素影澹青襟清輝鑑元髮憮焉遐意存暢矣浩歌發歌聲難以竟流響振林樾

呂懷

懷字汝德永豐人嘉靖十一年進士改庶吉士歷官南京太僕寺少卿有巾石先生類彙

阻風登觀音閣用韻

憑高獨上觀音閣落日還登燕子磯  
欄壁重重苔路滑煙波漠漠葦山微  
岸吹寒浪江豚拜屋護春巢野鷗歸  
聞道鑿與回北闕鄉心都向五雲飛

趙 濂

濂號東谷分宜人錦子嘉靖十一年貢士授石埭  
令有惠政遷惠州同知歸講學里中稱東谷先生  
年九十五卒有歸田稿寄適集

登鈴山

靈區異凡境登覽清俗襟樹密日難翳峯高雲易陰  
凌風思鶴舉吹笛想鸞吟丹鼎杳無就紫芝何許尋

洪陽洞

七峯西望青霞飛洪陽洞口瑤草肥葛屨久已冷丹竈巖  
壑於今空翠微應借一庵留玉帶却疑三鳥曳銖衣青鞋  
布鞵追隨處野況吏情誰是非



湯惟允

惟允字時中安仁人惟學弟嘉靖十三年鄉舉官  
臨安府推官

憩金盤山

石磴孤峯轉龍岡九曲蟠平生凌紀巘此地縱竒觀夜榻  
杜塵靜秋風碧樹寒辛勤話丹訣趺坐一盤桓

朱 瓚

瓚字堯猷新淦人嘉靖十三年鄉舉歷麻陽令平  
苗寇以勞遭疾卒民立懷忠祠視之有麟經筆義  
再遊玉笥無夢

闢破殘雲履欲穿中宵無夢到神仙青山應笑來何晚猿

籍煙霞又十年

登雲寺

石磴穿林莽登雲始見天  
鐘聲收未譜燈影是唐傳  
老衲知余事紅紗憶昔賢  
笑言留玉帶腰下繫龍泉

上元

萬家簫管沸樓臺想見金吾九  
禁開清夜何人如蝶舞春  
城有客聞蛾來華幢掩映尊前動  
翠袖分明月下回輪與  
山人得三昧酒酣餘興更銜杯

劉汝順

汝順清江人嘉靖十三年鄉舉知黎平府請學使  
拔苗民之秀者爲弟子員以勵邊俗五開衛軍糾

衆跳梁盡按治之郡中乃平府稱軍民始此

寧真觀

神仙宮殿擁烟霞  
滿樹黃金豔豔花  
笙鶴不來王子去  
洞門煙月鎖瑤華

蕭文清

文清字此山廬陵人嘉靖十三年鄉舉由台州司理歷長沙知府所至民立生祠

靈泉

出門倚月蹋空明  
七尺聲如一鶴輕  
行到泉邊流夢遠  
不知是月是泉聲

左文麟

文麟號雲谷南城人嘉靖十三年鄉舉官浙江鹽運副使征倭有功浙江立祠祀之

和鄭少白貳守登麻姑山

幾度涼風下井梧麻姑山色未荒蕪瀑簾忽灑九秋爽松蓋不知斜日晡麋鹿隨身皆作伴峯巒對面若相呼賞心不計歸時晚徙倚仙壇醉百壺

鄧卓

卓信豐人嘉靖十三年貢士官徽州教諭

東禪寺聞鐘

疎鐘清曉出招提隱隱巖東更谷西信是老僧敲落月忽聞高樹唱晨雞桐魚叩徹山猶響蕉鹿驚回夢更迷百八

聲中參秘訣白雲鎖斷路高低

湖夜

沉沉流金滴素秋老蟾飛影吸江流清涵塵土三千界光  
浸瓊枝十二樓鶴傍白沙當鏡浴龍醒靈壑弄珠遊良宵  
霽景渾無限怪底犀燃采石舟

尹臺

臺字崇基永新人嘉靖十四年進士授編修分校  
禮闈以策問忤嚴嵩意後嵩欲招致且與結昏毅  
然辭之出爲南祭酒進吏部尙書京察力持正論  
保全善類隆慶初以禮部尙書乞歸有思補軒洞

麓堂集

擣衣篇

明月照高樓流光散幽帷佳人理紈素微步出中閨節寒  
戒秋序君今疇寄衣攘袂展皓腕拭杵向南階微芳動輕  
袖砧響一何哀盈篋爛繪綺歷歷手自開嗷嗷獨念爲  
君密製裁不惜製裁苦但傷人事乖願假鍼線迹寄妾日  
夜懷

章華宮

我行鸞熊國南出鄢郢中平原豁千里始見荆地雄下車  
訪古蹟遂弔章華宮長堤亘阡術壞道紛科蓬平陸衍四  
布禾黍何芄芄宮垣出頽址髣髴辨危崇瓦甍亂交錯草  
樹亦蒙茸惟昔楚全盛伯業何赫隆衣冠覲華夏盟會專

朝同揚戈指天表，威力奔漢東。靈王席强大，侈冒心無窮。  
逞力窺周鼎，貪田奪鄭封。收游思土木，及此章華功。增臺  
累百尺，開榭延八風。雕題與綺坵，出入神鬼工。侈縱荒射  
獵，翠豹騰三鬣。卽盛宇，夢麗亦驟車。徒攻民罷怨，有集乾  
谿禍。始訖成，收理所召自作夫。誰恫君看茲，宮土千古鳴  
寒蟲。

述懷再寄整翁先生

弱齡慕遐遊，五岳志窺尋。出門阻長道，川莽悲遙深。西昌  
有靈嶠，天柱鬱高岑。僊級邇可拾，阡術無崎嶇。士有尚千  
古，曠世懷孤心。何如遠近企，景行不在今。緜綌抱淒其，緇  
衣感微吟。願因赤羽馭，寄問朱絃音。

憶昨東園春桃李競芳媚灼灼揚光華百卉避妍麗盛時  
苦不常風霜條中瘁君看繁艷枝一朝嘆零墜南山有松  
柏託根何峭崿勁立于尋岡子然絕比類洛陽缺中梁匠  
石空仰視丹碧煥楠檟巨材安可致

石泉子歌

永豐劉氏以醫行余邑久矣余識之幾二十年往  
以所號石泉乞余詩余爲之作長句比余歸山中  
復多年劉過余出所舊題曰公猶記西寺揮毫時  
乎余緬然興感憶是時余正少劉亦彊壯氣勃勃  
也今相顧老矣白晢二毛知後於今其何如爲作  
是詩匪專贈劉云



憶昔讀書西城寺劉生手握青瑤字言愛白坳山中石上  
之飛泉乞余爲掃銀河篇剡溪雪藤剗作牋晶如巫峽片  
雲飄我前長松蔭寺晝不暑虛堂放筆搖蒼煙頃刻高林  
動秋色元氣淋漓濕窗壁千尋白練落九疑光射青屏寒  
似鐵僊情一謝人間世十年宮錦混泥滓青鞋布襪不可  
從玉闕金庭浪遊戲手驂六龍扶九鸞舉頭遙望青玉壇  
奔淙亂射悵泱漭碧壑倒映思潺湲歸來仍覓西堂臥松  
柏苔痕人踏破滄洲客往絕詩筒白社僧歸勝禪坐人生  
變化詎有常漸看綠鬢繁霜余年四十亦衰久滌毫對  
酒心茫茫少時豪氣今安在撫卷歌詩增感慨匡廬瀑布  
夢徒期衡嶽水簾吟孰待爲君重賦石泉一長嘆安得白

日高邸望蓬海

孤山林和靖墓

處士孤墳在疎林映水開湖山千古麗詩句幾人裁鷺渚  
寒煙積魚梁晚照來梅花飄欲盡誰爲掃荒苔

龍游除夕

迢迢游客子歲暮感山川鼓角流殘夜星河轉舊年扁舟  
寒水側故國白雲邊禾展經時志孤心魏闕懸

送高安吳太史侍母南歸

蓬省僊僚別禁廬新秋綵服傍慈輿晴風白渚遙浮鷁細  
雨黃河欲上魚雲引大行千里迅天懸鉅野一帆虛憐余  
四易長安暑枕扇無因慰倚閭

湖上

岸曲風煙霽短檝水樓雲日麗清沙雨殘乍裊新抽竹春  
過猶餘未落花黑髮何人能解綬青山是處足爲家獨憐  
無事漁竿侶長臥蒼波弄晚霞

岳陽樓觀洞庭湖作

萬水東奔江漢迴無邊秋色洞庭開蕩胸雲霧晴兼吐得  
意帆檣晚並來望闕長懸公子思登樓誰是仲宣才茅茨  
漂泊魚龍窟滿目蒼葭楚澤哀

累石

累石南紆一逕微羣山迴合突成圍渚雲淅淅初移旆江  
雨冥冥易濕衣喚侶漁舟仍獨泛趁人沙鳥故高飛平生

疎懶眞成性散髮惟便舊釣磯

水寺

萬里秋風吹客衣江天晚色靜霏微白雲水寺蟬孤噪黃  
葉山房鵲亂飛奉使經年勞館餼辭家每夜夢庭闈燕中  
始出花猶凍楊柳今疎客未歸

感事

扶桑銅柱亦堪危誰統貔貅靖四陲虎穴橫戈須此日龍  
沙拔幟定何時通蠻久絕唐蒙使鑿嶺猶煩馬援師諸省  
壯丁輸輓盡無由海宇息瘡痍

歸興用少宰張文邦先生韻

招隱漫懷南國士移文應笑北山羣鄉心千里驚黃葉客

夢三秋動白雲不奈鵲鶴天際急可禁蟋蟀雨中聞江魚  
向晚堪垂釣玉鱸何時入鰕分

薄伎謬承金馬詔虛名敢廁玉堂羣  
鷓鴣仄目空綠縱野鶴深巢但水雲  
有客孤桐誰共理故人尺素阻相聞  
並飛亦是隨陽侶霄漢那言羽翼分

舟次汶河李水部枉訪因招集池亭有作

鉅野冬寒獨客舟霜天烏几對長洲  
欣承水部高軒過忽爲池亭竟日留  
江海喜通秦職貢煙霞歸問楚林邱  
丈人才力元兼濟宴笑知懷天下憂

雨出錢塘張繕部持酒邀別有作

黯黯冬雲愁不開霏霏暮雨急相催  
天寒鴈趁沙邊宿歲

晚人從海上來去國虞卿仍獨往憂時劉向祇空哀  
因傳水驛南歸棹聊醉沙村草閣梅

移居

鷓鴣谿水接通津野屋蕭疎未厭貧風暖柳條渾弄色  
雨晴花藥不禁春何嫌近宅無三徑自喜端居少四鄰  
玩世幸容臣朔隱底須陞楯老風塵

新成草閣稱幽居况有流泉溢暗渠網戶青蟲能狎客  
釣簾黃鳥解窺書南山叩角歌堪放北闕懸珂夢已疎  
獨憶美人蓬島隔無由江海訊雙魚

廬陵別李年兄

楚水吳山恨不同十年蹤迹竟西風雲間雪草迷朱鴈白

下煙花阻碧聰長病馬卿聊暫起多憂賈傅未辭窮麟臺  
鳳閣終賢俊佇看飛名玉甌中

吳門別萬安朱丈

細雨高秋澹客心吳船相對古城陰幾年臥病未絃解長  
路逢君白髮侵報主微忠存傲帚感時孤憤觸危襟分離  
苦易憐深誼永夜星河動越吟

彭東樓懷古

背郭樓孤俯漢原憑高千里在層軒山圍碭野諸峯出水  
合彭門衆澤吞漢帝旌旗惟舊壘徐王玉帛但荒村英雄  
事業銷沉易矯首浮雲一斷魂

次董太史贈萬鹿園總戎之作

東望長淮接濟流，舳艫轉餉巨神州。才猷君過趙充國，意氣吾憐馬少游。畫幙天迴千里色，牙旗風颭九河秋。中原但遣貔貅靜，莫問將軍老不侯。

柳亭爲葉中書賦

舊業新安復武林，青山任愛柳叢深。一辭露葉牽春夢，幾惜煙條感醉吟。翠擁鳩樓西掖暮，碧藏龍舸北湘陰。十年供奉長楊館，底事頻抽白玉簪。

儀真送歐公之官粵中

揚子津頭白水波，送君其奈旅愁何。三春澤國懷歸思，萬里江樓聽別歌。青草瘴陰迷合浦，黃梅雨氣接牂牁。相將竝棹難重得，目極天南雲霧多。



燕子磯

燕子危磯俯帝城，高秋攜眺獨含情。  
雲中雙闕蒼龍隱，天際孤洲白鳥明。  
放浪吾生元水石，棲遲微宦漫簪纓。  
欣逢勝地同遊賞，燈火歸輿夜柝鳴。

送大司馬聶先生辭政南歸用少師相公韻

二十年來大司馬，幾人得上乞休書。  
寇公許國心元壯，范老憂時計未疎。  
紫閣星辰辭聽履，青原花竹引歸輿。  
冥鴻浩蕩終難慕，目極江湖思渺予。

抱甕從來惡說機，握節今換釣綸歸。  
功成不歎身難退，道在寧論事屢違。  
天上心閒雲鳥陣，山中夢近薜蘿衣。  
誰憐

華省孤吟客，獨倚西樓看少微。

公以宅異予  
宅西有樓

送姜節之封楚藩歸鄱陽

黃鶴高樓雄楚都中天勢裊飛雲孤三湘浮陰動曲渚七  
澤倒影凌重湖我昔扁舟下岳陽欲往觀之江漢長洪川  
浩蕩渺難涉九月洞庭飄朔霜人生壯覽詎可期十年雲  
臥空所思竭來承明侍帝側一望武昌一念之黃鶴千秋  
不復回高樓搥碎安在哉古今賢豪傳勝事往往陳跡遺  
蒿萊羨君南行賦登樓舉杯堪招黃鶴遊歸來早成太史  
記莫作周南久滯留

送西吳張太史使江藩

京國論交幾過從郊筵惜別奈殘冬衝寒裘馬今朝發獻  
歲鶯花一路逢桐葉剪圭周建爵菁茅立社漢分封歸將

錦節停鄉邑玉笥高開紫霧重

光山逢劉唐巖副使

十年芳草惜離羣海上朱旛隱暮雲何意歸舟停楚澤萬  
山黃葉獨逢君

懷玉山感懷

懷玉山前野草春幾迴作客倦風塵鶯花千里停車日曾  
賦棠梨白氎巾

文山起義張履翁以家殉之族人祠焉少宰龍湖先  
生作詩因次其韻

丞相孤忠天漢垂白旗揚義憶當時傷心若論睢陽事公  
有南雲配烈祠

彭鳳

鳳號夢澤分宜人嘉靖十四年進士授編修以名節自持充同考官一秉公正爲同事所忌竟中讒言罷歸

送曲江沈先生掌教分宜

邑小稱多彥經殘賴有師太常能設教元老正匡時山擁橫經案江分洗墨池講堂今茂草桃李發新枝

九日諸君宴鈴山不及赴

九月九日振衣亭千峰萬壑秋氣清舉盃遙認隔林影打帽時疑落葉聲已辦黃花供客笑便磨蒼蘚紀公名布衣入座成虛約想見羣仙宴碧城

梅凌雲

凌雲字尙志號兼山湖口人愈孫幼穎異七歲補  
弟子員嘉靖十四年進士知上海縣擢太平同知  
以事忤行部者罷歸有集

送藍明府素最入京

可虛主人八閩雄身駕白鶴驂飛鴻周遊四表乘天風却  
來飛鳥鄱湖東鄱湖之水春溶溶手握麈尾揮冥濛雙鐘  
秀色添青蔥清芬浮沓蒸白虹三年報政玉皇宮恩承前  
席行從容何當車蓋隨飛蓬共趨閩闔聽晨鐘

徐燦

燦號陽溪奉新人少穎悟有文名嘉靖十六年鄉

舉會以救荒十策上政府屢試南宮不第有陽溪

類稿

金相寺

幾年行脚棲山寺一味真情似野僧興到漁樵成樂事春  
來花鳥亦良朋新蘗白酒呼鄰飲舊識青山任興登祇此  
平生多錯誤欲敲石磬聞南能

劉會

會寧州人嘉靖十六年鄉舉官太平通判

清水巖

巖隙有太古看天一線多石泉懸峭壁山月掛飛蘿徑僻  
初驚犬峰迴更擁螺劃然鐘韻落虛壑答清歌

萬虞愷

虞愷字懋卿號楓潭南昌人嘉靖十七年進士官南兵科給事中數與內臣露章爭事累進副都御史總督漕儲除京商和買之困又上便宜六事軍民立石頌德以刑部侍郎致仕有楓潭詩鈔

山中早行

攬衣中夜起秣馬早鳴鞭殘月不照地明星猶在天出門頻問曉歷澗暗聞泉翳翳東林外山雲雜隴煙

秋夜華戶部邀飲琵琶亭

月滿新秋夜潯陽引興賒有人陳祖帳無事泣琵琶江闊吞三楚山高接九華君才能作賦赤壁底須誇

鵝湖舟中卽事

八月尋幽偶泛槎水邊茅屋十餘家家女兒能盪幾爭  
入殘荷看晚霞

烏江廟

入關事已定豈在割鴻溝霸業一朝盡烏江萬古流

胡叔廉

叔廉字明發號練溪新淦人嘉靖十七年進士令  
臨海有德政民生祀之歷兵科給事中疏言邊事  
悉中機宜官至大理卿乞休歸卒

杉庵

萬木杉庵十里陰偶來躍馬共登臨虹因地暖窮冬見虎



西江言卷一 卷五十七  
二  
倚峰高白晝吟曾厠禁闌懷北闕別盟蓮社憶東林故人  
無限江湖夢落落星辰識此心

陳昌積

昌積字子虛泰和人嘉靖十七年進士官尚寶寺  
丞兼翰林五經博士著有兩湖全集

快閣感懷

快閣東林木葉稀白蘋紅蓼更霏微煙波幾處老漁立洲  
渚一行沙鳥飛搖落豈堪悲宋玉飄零翻自弔劉幾出門  
蹊跡堪長嘆霸壘蕭蕭有是非

湖興

水淨雙湖菡萏幽卜居性僻愛林邱長憑藥裏供多病聊

借書籤散亂愁片葉得風隨竹淵孤花和雨泣蘋洲故人  
厚祿書全少惆悵空登王粲樓

汪侏

侏字克敬號直齋貴溪人嘉靖十七年進士歷官  
副都御史巡撫鄖陽悉平汀州洞寇凡先後建白  
於汀有六議閩有六議楚有八議廣西有平徭疏  
鄖有蠲租緩解疏皆切要

王表峰

捫蘿涉險遶西東特表竒峰萬仞雄鶴語猿聲霄漢上山  
光水色畫圖中多年古篆雙碑在好景深秋一鏡空回首  
浩歌天地濶飄然兩袖有仙風

一線天

草樹盤桓雜坐眠，攜尊小憩洞中天。  
却慙遠市無兼味，還喜新秋是上弦。  
碎滴天漿聲不斷，平分地竅脈還全。  
古來何必牛山淚，斷碣摩挲亦可憐。

黃注

注字汝霖，信豐人。少工詩，嘉靖十七年進士，授長興知縣。地多佳山水，日與郡之賢士大夫遊，入爲稽勲主事。見朝政日非，遂罷歸，居數年卒。有集。

九日金文寺登高

作客逢重九，尋秋到上方。  
梵傳天樂近，衣雜野花香。  
慧日開仙界，清商送晚涼。  
山中一枝菊，我欲禮空王。

南野道中

山上靡蕪綠未齊  
山中亂聽鷓鴣啼  
到來客路行無盡  
纔過前溪更後溪

徐良傅

良傅字子弼東鄉人嘉靖十七年進士時館閣人  
才以良傅爲首官吏科給事中迎仙宮成上疏語  
侵權貴罷歸教授里中著有愛吾廬拾榆等集

經徐東谷尚書墓

聽履先皇日從天  
罷數優衣分仙子  
鶴杖賜老臣鳩虎觀  
讎書早泉臺挂劔留  
何如身世外瀟灑  
谷風秋

翠雲洞

江西詩徵

卷五十七

明十九

六

初夏暑氣薄林杪生微曦問訊翠雲寺駕言良在茲平生  
足幽探重此先賢遺想當星聚時草木流華滋風泉動清  
聽雲物亦多姿云胡周道塞來路紛且岐朱絃不復響瓦  
缶更迭吹所賴天之靈鬼神不可欺義和無停馭白晝忽  
已移惻惻出門去來者知爲誰

文昌新河

秋色下平蕪長歌覓酒徒沙邊新理檝花下舊行厨白鳳  
傳書杳蒼鷹振影孤無須論遠近蹤跡散江湖

千金陂懼歌

長樂長寧幾萬家不栽桃李種桑麻使君挽得天河水散  
與東風灌稻花

靈谷銅陵眼裏稀  
汝川森渺弄晴暉  
雙懸翠巘雲爲障  
直下瑤江玉作圍

七郎廟前汝水深  
蓼蓼柳色易成陰  
漁舟莫認桃源路  
溪水溪花何處尋

黃塘口外棹歌收  
坐看巴華幾派流  
疊鼓正翻獅子峽  
嗚笳已近虎頭洲

龍山雜言

虹石橋邊村巷龍  
珠山裏人家莫道仙  
源易認春來處處  
桃花

昨夜敲冰煮石朝  
來餌木餐苓老子  
解調元牝羲之錯  
寫黃庭

倚杖閑尋泉脈支頤自狎鷗羣漁子臨流悟道樵夫脫擔  
論文

牧豎倒騎牛背長歌度隴尋坡笑問先生歸去門前五柳  
如何

擬峴臺

汝水抱城闌文昌帶石垠臺高平入漢山遠勢從閩雉堞  
分朝靄漁歌荅霽旻晚沙明匹練煙樹暗通津欸欸鳧鷗  
並垂垂橋袖親稍寬千里目穢愧百年身廊廟丹心在江  
湖白髮新但思羣鹿豕安論畫麒麟東景扶桑樹西流弱  
水濱仙鸞如可借去作遠遊人

危氏重貞堂

重貞堂在何許阿姑與阿婦辛苦世無侶阿姑二十稱未  
亡皆前夜雨啼寒醬誰知阿婦亦復爾兩世六月飛嚴霜  
姑語婦黃口無存汝難守婦謂姑誓與我姑骨同朽共持  
寸鐵肝各保千金軀輝輝雙白璧照耀人寰區吁嗟薄俗  
難具陳朝遊燕壘暮入秦一生自詫長樂老五世誰念相  
韓人婦人立身不草草何況七尺垂冠紳吁嗟薄俗難具  
陳

從姑山

饒生邀我遊從姑我袂適返自仙都我足已繭僕已瘠木  
葉脫盡歲且徂生言咫尺城南隅二姑並美風骨殊大姑  
醞藉有所須小姑戍削如倚問誰能取一棄其餘蕭韶不



可無笙竽代勞況有一兜輿兩力挾之如飛鳧絲繩絡酒  
洗行厨有奴平頭肩可扶我聞此語心頓蘇奮臂遂往遵  
前途亭亭遠望如美姝巖巖就視偉丈夫中有一線通天  
衢側身俛入不憚迂捫蘿直上徑崎嶇天風飄飄吹客裾  
萬木竅穴號且呼仰天長嘯真吾徒赤松黃石今焉如

楊載鳴

載鳴字虛卿泰和人士奇五世孫嘉靖十七年進  
士以推官擢吏部主事忤柄家子謫將樂典史後  
歷廣東提學副使陞通政卒著有大拙稿

龍洲草堂

愛汝龍洲水竹居年來逸興復何如聞聽啼鳥尋幽事臥

看浮雲枕素書親闌鯁入青青笋客館筵將白白魚直擬  
輞川來畫裏年年泉石好華子

萍鄉

故園煙樹渺蒼蒼楚水巴山去路長最是孤懷無賴處亂  
峰殘雪度萍鄉

畢竟容

竟容字仁叔號梓石貴溪人嘉靖十七年進士爲  
人豁達料事輒奇中在官屢立戰功歷廣東叅政  
致仕

仙巖

弱歲驅車老大還尙平婚嫁尙茫然紫芝間就山中得大

藥多從海上傳最愛洞巖凌絕斗幾人畫舫落平川冥心  
欲與安期遇聽說神仙半市塵

中秋夜坐山莊有感

塞北秋高幾醉眠何如此夜倍淒然妖狐出穴探林莽猛  
虎中林任播遷強戍久緣堅漢壁平生無邨拭韓鈿紛紛  
羽檄奚爲者痛哭難忘賈傅篇

龍子昂

子昂泰和人嘉靖十九年鄉舉官封邱知縣

尹節婦

君不見見桃李花紛紛紅豔勝綺霞那堪一夜春雨惡枝頭  
飄泊隨泥沙又不見郊原草王孫曾說春光好西風一葉

下梧桐黃落滿階人不掃獨有涓川青竹竿孤高抱節耐  
歲寒長成龍孫棲鳳子森森會見凌雲起尹家節婦亦如  
此

陳宗慶

宗慶字崇吉號六山金谿人嘉靖十九年鄉舉知  
岷縣治尙禮教與弟鏗鉦姪一夔從姪所敏先後  
以學行著金谿言家法者必推陳氏歷岳州通判  
致政歸

歸隱

七尺古桐琴攜囊萬綠深間依岫雲臥起對山花斟酌看  
輞川卷誰知彭澤心結廬在臯徑時有鶴來吟

江西詩徵

卷五十七 明十九

五

張希舉

希舉字直卿南昌人嘉靖二十年進士授刑部主事歷雲南按察使得民心擢全楚右布政滇人泣送之以忤嚴嵩致仕歸

憑遠樓

岑樓高架鬱嵯峨幾度凭欄發浩歌春樹鳥聲當戶好夕陽山色捲簾多花迎玉勒含煙霧酒泛金尊醉綺羅自是梁園能好客不妨車馬日相過

王材

材字子難號稚川新城人嘉靖二十年進士幼好學及官檢討學益博歷國子祭酒卒著有太學志

梨川文緒石堂語錄外制集念初堂集

日山

松嶺筠關此重尋層巒十日滯春陰花經雨後紅初薄水  
到橋心綠轉深丹井細煙留絕壁洞天香雨在疎林興來  
不憚登臨數燈火黃昏下碧岑

萬衣

衣字章甫一字淺原德化人嘉靖二十年進士授  
刑部主事累官至福建布政使平倭寇有功甫賴  
以安調河南旋中讒言罷歸築草堂爲物外遊歸  
里數年卒有草禺子集

按登科錄  
作羅衣

九日蒲圻張魏二省丈見邀

年年客裏逢佳節今日登高復異鄉  
二妙恰逢天上侶孤臺宛在水中央  
白衣似爲幽人至黃菊能如故里香  
別後出關秋正杪年華旅思共淒涼

雷賀

賀字時雍豐城人嘉靖二十年進士  
歷官右副都御史巡撫四川有雷中丞律選

宿郢東驛

策馬驅殘日開軒候晚風  
烏迴雲夢北花發石城東  
宦況重來減年光別後同幾經  
行役苦身世歎飄蓬

李遷

遷字子安新建人嘉靖二十年進士  
歷官總督兩

廣大破倭寇又平廣西古田擒巨寇韋銀豹等陞  
南京刑部尚書致仕清節爲鄉里所推著有鷺谷  
山房集

天寧寺

古寺朝朝踏葉行閒中一路聽泉聲紅塵未必能汙我生  
性從來愛濯纓

李九韶

九韶字大和號二溪貴溪人九齡弟嘉靖二十二  
年鄉舉師事徐波石家居講學生徒成就者甚衆  
潭石歌贈周春元

君不見薊水城南千仞潭呼霞吸露開澄藍中有伏景之



虬龍金麟玉角雲雷酣潭心肆矼出奇石冰雪爲神鐵作  
色終古濤流天地間一卷骨屹東南側潭頭主人何嶽峯  
吞流吐石青春深胸中夢瀕八百里足底衝華一萬尋虬  
龍握雨傲九荒明時砥柱需巖廊功成待覓枕流侶振衣  
石上輕侯王

李萬寶

萬寶字少虛號訥庵南豐人嘉靖二十三年進士  
官刑科給事中疏論權璫改南垣爲廣東僉事有  
德政平四會播賊以憂歸廣寇犯邑指其居曰是  
清官羅拜而去再起歷浙江憲使乞歸家居二十  
餘年講良知之學有崇質堂集

礪頭行 有序

歲庚申八月鬪寇伯八十徒犯新城守備王君址  
禦之礪頭兵敗死之李子曰王守備之死余蓋重  
傷國紀焉賊始薄營王君奮騎衝鋒賊且靡靡奪  
也時有十夫者合力向賊則破竹之勢成矣奈之  
何畏賊而不畏帥也王君奮擊獨前營中士七百  
餘更無一踵至者叢視主帥之就戮如塗人棄焉  
尙謂有法紀乎是役也百戶戴權率先奔遜師大  
潰故及於難

閩廣頻年豺虎驕剽村掠縣如狂颺區區豕突僅百數鼓  
行千里誰遮邀將樂奔逃泰寧破黎川接壤無崇朝空城

江東詩集 卷五十一  
三  
雖鍵竟誰守鳥驚雲散成蕭條王君有膽大如斗直憑猛  
氣驕羣醜彎弓策馬出營門一矢脫弦賊授首賊戰愈厲  
兵氣衰一人獨奮千人後自辰徂午力不支且鬪且罵不  
絕口王君王君誠丈夫慷慨就義真如愚平生許國已刺  
血造次應敵甘捐軀武夫豢養豈一日望風鼠竄惟身圖  
募兵列戍竟何賴徒苦百姓供軍需令人撫事重扼腕此  
輩縱橫誰倡亂剝脂椎髓竭閭閻反令烽火遺宵旰潢池  
竊發尙未已兒戲談兵誇勝算安得王君百十人盡置疆  
場衛屏翰

憇龍潭庵

短輿經鷲嶺小刹俯龍宮法界諸天近禪房片月空竹聲

能訣兩松籟不關風齋粥焚香罷冥心向此中

哀吳烈女詩

有序

嘉靖四十年辛酉秋八月閩寇數千陷石油村破  
荷石砦吳生宙女友悌年十五死焉先是吳族避  
砦上賊晝夜環攻十餘日羣力困甚遂見襲女知  
砦且陷乃攜弱弟徧告伯叔父母以爲託旣而泣  
與母訣諸母咸慰止之女垂涕對曰我少女留祇  
辱先人耳言未絕遂躡身投崖死時某月某日也  
越半月賊退父收其屍顏面如生無不嗟異者李  
子聞之曰嗟嗟烈哉吳女觀其訣諸母一語凜不  
可犯豈姆訓使然哉世有號偉丈夫者臨難周章

幸少須臾無死視烈女羞死矣爲之詩以俟觀民  
風者采焉

若門不守此身危腸斷慈親訣別時莫訝舍生輕似葉只  
緣嗜死美如飴珠沉玉毀形難化石轉厓枯志不移擬續  
曹碑垂野史觀風何日許陳詩

宿軍峰最高處

倒盡松瓢臥石壇滿天星斗醉中看覺來一枕碧山夢落  
月遍身風露寒

紫霄雜紀

山城鼓角集鄉兵豺虎村村夜燒驚路險只愁騎馬過波  
平道得泛舟行泛舟

柳未全黃楓未丹  
偶隨樵牧過前灘  
遊人不識紫霄路  
笑

指雲邊松樹壇

山行

春風秋雨石不老  
露檢瑤函事已空  
巖上至今留蛻骨  
雲

中何處覓壺公

觀蛻骨函

仄徑幽巖可避秦  
一溪彷彿武林春  
楸枰舊着猶堪識  
似

覺年來局更新

着棋巖

寒泉照影笑蒼顏  
獨坐松間聽佩環  
何事神仙能久駐  
祇

緣清冷便忘還

丹井

未騎子晉千年鶴  
試泛張騫八月槎  
泝入香爐峰盡處  
溪

流一線種胡麻

浮筏入小溪二曲

幽人霄閣鳴琴罷  
道士星壇禮斗還  
偶坐翛然無一事  
焚

江西詩徵

卷五十七

明十九

七

香啜茗說青山

同佩文山巾夜坐

文殊臺

俛望不可窮，瑤華淨如埽。  
倚巖發長嘯，清響振五老。  
招攜廣莫遊，接贈金光草。  
殷勤向我言，真靈君自保。

登湖中小雞山

鄱湖開蘭橈，沙際見石室。  
舟人向余道，茲山頗竒絕。  
孤遊恣觀覽，樵徑良可覓。  
散愁凌絕頂，窮探紀非一。  
數峯湖上浮，五老雲端立。  
晴空獨鶴下，落木元猿集。  
曠蕩足怡神，幽懷未能極。  
長嘯入漁灣，天風吹斗笠。

尋樂天草堂

室中人寂寞，堂下草離披。  
燕雀歸旁舍，松杉落故枝。  
蕭條

嗟異代儒雅憶當時爲爾青衫濕誰吟遷客詞

宿建昌縣隆道觀次韻

黃雲古木山中臺洞門端爲山人開夜誦藥珠三百過一  
雙白鶴過江來

古洞陰陰蔓碧蘿我來便得臥雲窩三更雲氣濕衣袖錯  
道觀中風雨多

譚綸

綸字子理號二華宜黃人嘉靖二十三年進士沈  
毅知兵屢立戰功歷官兵部尙書卒贈太子太保  
謚襄敏

大華山



樓閣依天起山門傍斗開香煙縈碧落樹影雜蒼苔抱月  
溪猿嘯穿雲嶺鶴回星辰攜滿袖知是法燈來

吳桂芳

桂芳字子實新建人嘉靖二十三年進士由禮部  
主事知揚州府禦倭有功又建議增築外城揚有  
二城自此始歷遷兵部侍郎提督兩廣軍務勦滅  
潮州舊倭復平亞元丹樓內召以疾歸萬歷初起  
故官進工部尚書卒贈太子少保

東湖

束湖行一曲十里暮煙齊遠嶼浮空碧層雲壓水低門開  
聞鶯鳴沙淨浴鳧鷖更愛維舟處夕陰蓮葉西

劉松

松字汝貞新喻人嘉靖二十三年進士官刑部郎中爲徐學詩草疏劾嚴嵩嵩銜之以忌引歸年甫三十絕意仕進以詩酒自娛著有羅川遺稿

九日宴集次邑令李北山韻

西北樓開背翠屏風雲鎮日護城高臨高有客秋逾好得令如仙地亦靈一水遠浮雙渚白千家圍合萬山青他年載酒還誰賦郢曲於今好細聽

贈天與熊鍊師歸閭皂山

閭皂高居好煉真清秋何日下嶙峋金丹夜氣成龍虎寶籙元文動鬼神蘭蕙深懸青組珮芙蓉斜拂紫綸巾南歸

定住仙巖側自掃寒雲禮玉宸

熊汝達

汝達字德明進賢人嘉靖二十三年進士知泉州府力禦倭寇泉人爲立生祠歷官右都御史掌南京都察院被劾歸著有讀書劄記弋蟲集觀物稿等書

飲望湖亭

湖水綠於染秋空眼忽明望中煙岫出坐久浦風生漁艇沿灣亂邨燈近郭明更憐高會處地主自逢迎

東林寺

寂寂山門隔虎溪暉暉佛日樾林西僧來笑指香爐近定

後猶聞梵鳥啼

王鳴臣

鳴臣泰和人嘉靖二十三年進士官至貴州叅政

謁陽明祠

先生正氣碧雲霄手疏終能悟聖朝千古衣冠宗一孔兩  
階干羽格三苗當庭老柏青長在勒石雄文蹟未凋八極  
神游知不爽廟門風雨總蕭蕭

余文獻

余一作俞

文獻字伯初德化人嘉靖二十三年進士有九厓

集

送少司成朱文石之金陵

鍾阜龍蟠赤帝庭更從北斗借文星  
燕臺仙侶憐雙管白下諸生有六經  
璧水細通元武曲講堂朝對孝陵青  
請看松柏參天處翠輦當年竟日停

送聶子靜南還

十年纔返國何事復南歸  
歲月冰霜晚江湖鴻鴈稀  
青山還舊業落日上初衣  
去住乾坤裏休嗟與世違

萬恭

恭字肅卿南昌人嘉靖二十三年進士  
敏達有幹練才巡撫山西築牆四十里  
以防河套河決邳州總理河道築堤三百  
七十里六十日而成建水閘防高寶諸湖  
汎濫河遂無患言者劾其治水不職

罷歸

大華山

徙倚通山徑秋容在薜蘿仙宮丹熟處流彩入星河

陳六山女

良辰不久得時運安可常節義苟不虧殞身亦何傷烈烈  
陳孝婦耿耿念姑嫜姑命若朝露婦志如秋霜俯觀黃河  
流仰看明月光月光照姑面河流濯婦腸豈不懷嫵婉淚  
下沾羅裳黃泉矢相見白日愁茫茫願言入青史千載流  
清芳

張春

春字伯仁新喻人嘉靖二十六年進士廷對第二

授編修擢侍講進經書格言嚴嵩當國遷南太僕  
丞至滁州卽挂冠歸晚號西吳山人有家藏集東  
瀛社稿

北山篇

茲山鎮吾邑有蒙鬱崔嵬丈人世耕作家在蒙之隈城南  
豈無市戀此煙霞堆世情樂簪紱吾道甘塵埃夜深月自  
至寒盡梅還開高臥此山北熙熙如春臺

重遊延真觀

仙翁渺何許此地有仙臺曲徑沿溪轉重門削石開應無  
一點到月自半山來我亦尋真客朝朝采藥回

德興寺

樓頭鐘鼓報初晴又向城南屢屐行剛到閒時身已老未  
曾經處路猶生平沙遠水如天色落葉疎枝似雨聲欲問  
郊園幽寂地野橋山寺舊題名

昆盧閣

曠莽春郊正夕陽平分雨氣共花香攀林小立有同伴倚  
閣高歌非異鄉東望河流分燕尾西來驛路遶羊腸百年  
惟有閒難得多少閒人底事忙

送劉十峯之渝水

秋風江路客南征不盡依依鄉樹情田舍久空猶有稅土  
垣環立已無城因過章水思徐孺莫向長沙弔屈平儒術  
自堪千里寄君恩敢謂一隅輕



送後溪兄令從化

翩翩文采舊弓裘，落落襟懷馬少游。晚得一官依嶺表，春  
來孤棹發江頭。且尋白水丹山勝，莫爲蠻煙藥草愁。開到  
梅花相憶否，循儒爲政最風流。

遊城西桃花洞

身心放下便安閒，佛在人間第幾關。到岸欲求無上乘，開  
門不起貢高山。春來且看花千樹，客去仍留屋數間。流水  
行雲真自在，手攜藜杖過橋還。

答一中賀歸自南滁之作

宦情何似戀滄洲，忽漫乘春故里遊。結社豈能忘舊侶，瞻  
筵早已動新秋。驪駒塵路空相送，鸞鶴煙霄未可儔。只

勞將瓊玉贈

還擬對虛舟

除夕寫懷

頻年此夕憶江南今喜家園得駐驂  
近嶠頭猶在望香留雞舌未須含  
寒扉爐且圍松火老眼杯宜釀菊潭  
簫鼓滿城何寂寂獨將春意靜中參

登天岡

偶乘野興陟崇岡步怯殊非舊日狂  
路夾水田都曲折祠荒香火亦悽涼  
蕨苗掇得難供饌竹葉攜來不當觴  
獨坐空堂鐘偈竟老僧猶自說前唐

三陽南岡攜酒過竹所見邀

竹外行廚近落花春衫已欲試輕紗  
心驚節序憑杯酒老

藉丹爐有汞砂二頃郭田憐季子千年劍氣問張華留歎  
別袂還延竚目送飛鴻入斷霞

陳嘉謨

嘉謨字世顯號蒙山廬陵人嘉靖二十六年進士  
授廬州推官擢戶科給事中以不附嚴嵩出補四  
川按察副使轉湖廣參政致仕卒於家著有念初  
堂長春堂山斗雲居諸集

南塢寺

嶺出萬家煙迢迢俯大川江光低映鳥磴道上盤天竹暗  
讀書處山明落照前共憐蒼蘚合猶記赤烏年

東昌父老嘗語予信國文公生於永和石窟予自香

林訪其地有文姓者公遠孫也石窟之東南章水環  
之水外五鳳山高出漢表莫與並秀者

廬陵有砥柱可以障百川降神在何許乃在五鳳前峩峩  
五鳳山秀色橫南天正氣川嶽合孤光日月懸成仁與取  
義至今頑夫廉杖藜訪遺趾野屋棲寒煙問是幾代孫力  
耕十畝田大賢固有後所貴淳風全我老與世辭荷鋤理  
荒阡所愧共閭里三謝爲潛然公靈耀箕尾千載當來旋

西臺寺

修竹西臺寺前朝太守祠我來尋勝蹟事往見殘碑舊賞  
青山在仙蹤白鹿隨空令人代遠懷古有餘思

蘇黃臺

蘇黃何處所空有水心臺景是穿雲入春因過雨開石牛  
真浪蹟金馬尙遺才流落成千古浮雲安在哉

郡西能仁寺唐吉州司戶杜審言詩社也隆慶丁卯  
予偕鳳間子迎周羅山劉見川二先生主席安成兩  
峰先師劉師泉先生時一枉教焉久之先輩彫謝聚  
首者落落萬歷庚辰秋九月議置會田茲會復振鳳  
間子賦詩志喜予感而和之

舊遊早已悲遲暮重到那堪憶歲年聚散幾陪蓮社侶招  
滋仍是菊花天獨憐華髮承先進肯向岐途著後鞭此日  
情知難再得一談衣鉢一潸然

初秋西臺寺

十年手種當窗樹半掩寺前臨水山自喜秋來無落葉誰  
能老去更愁顏帆檣遠影疎枝外枕簟新涼細雨間筋力  
情知難久健得閒且向石林閒

石窟弔文文山

三百年收養士功一身四海自孤忠我來無地薦蘋藻刺  
水殘山感慨中

徐孺子祠

東湖遠訪少微星慚愧清風到此亭四百年來炎漢遠短  
牆疎竹向人青

王時槐

時槐字子植號塘南安福人嘉靖二十六年進士

官陝西叅政罷歸後擢南京鴻臚卿進太常卿皆  
不赴講性理之學學者稱塘南先生

遊圖坪

逶迤千嶂合巽兀一峰高獨躡雲霄迴寧辭杖履勞夜寒  
星傍幘天近露霑袍此夕憐人世無心學桔槔

吳衍

衍字子繁南城人嘉靖二十六年進士通判常州  
累遷刑部郎獻嚴世蕃獄身任其責以息羣議山  
右邊帥失機論死援大瑞爲言衍不可遂乞歸

陪郡伯王公遊麻姑山

十載塵心此掃除穿崖越壑到雲衢靈潭晝靜風雷響瑤

鳥夜寒星斗孤峭壁枯藤疑鳥篆荒堦豐草認龜趺酒酣  
便欲乘風去直擬縱山跨鶴圖

宋儀望

儀望字望之永豐人聶雙江門人嘉靖二十六年  
進士知吳縣徵授御史請開桑乾河通宣大餉尋  
省母歸還朝發胡宗憲阮鶚奸狀忤嚴嵩貶彝陵  
判官嵩敗擢福建兵備與戚繼光合兵破倭歷應  
天巡撫進大理卿被劾歸有華陽館集

初去吳門作

勞世無疾途筮仕獲下秩縮綬出明邦感懽情非一雖抱  
濟物情良缺經世術簿書日紛紜督賦無寧日覩茲民力



江陰詩卷 卷五十七  
艱焉忍事楛桎淳風古已頽文質相毀蝕慙無下堂化何  
由示表帥直道旣已危降志還見嫉沉憂結衷腸能不斷  
三黜徵書來日下濫此槁朽質新恩詎云辭夙抱未及畢  
驅馬出郭門寒風正蕭瑟道傍凍餒人對我長歎息殷勤  
謝父老聊以徵衷述

自樂城趨柏鄉

朝發樂子邑暮投柏人鄉驅車多所經指顧情內傷燕趙  
昔吞并四海如沸湯豪俊相馳騖一言決興亡故壘何蕭  
條云是古戰場俯仰今昔間沉痛結衷腸纍纍道傍冢誰  
辨愚與良燕昭旣不存平原客久荒不見黃金臺樹木鬱  
蒼蒼息駕暮雲沈感歎彌難忘

遊梅仙山

白雲在深山山深轉空翠古木凌飛煙叢竹亦森邃梅公  
隱何時漢道昔云季當其抗言時鼎鑊寧足畏一斥渺何  
所去作南昌尉茲山信超曠盤鬱多佳氣幽棲亦何爲豈  
不以我貴一朝變姓名挂冠從此逝余亦骯髒人誤觸當  
時諱見幾苦不早撫已有深媿永願謝塵緣長往從我志

胡杰

杰字子文豐城人嘉靖二十六年進士改庶吉士  
歷南京國子監祭酒陞太常寺卿有劔西橐

九日馬西田侍御讌具瞻樓

亭閣鬼嵬俯一邱柏臺清讌復高秋籬邊黃菊經時晚谷

江西詩徵

卷五十七 明十九

七

口青驄竟日留抱病有懷仍對酒自公多暇幾登樓臨風  
不用傷搖落歸路月明山更幽

江西詩徵卷五十七

江西詩徵卷五十八

南城曾煥寶谷編輯

明

姜金和

金和字節之號晉齋鄱陽人嘉靖二十九年進士  
廷試第三授編修陞修撰時嚴嵩當國不少趨附  
歷官南祭酒致仕歸卒

述懷

燕京九陌塵浩浩冠蓋追隨歷昏曉曙分懷刺謁高門半  
夜題書將遠道同袍三五欣相迎下馬官街劇傾倒移尊  
乘興春忽徂燒燭論心日初早祇知朱紱天涯親詎識丹

江右言存 卷五十一  
顏鏡中老何如湖畔作閒人端坐茅齋恣幽討芰荷竹簾  
冠裳使野鳥山花音態好公侯漫自矜輕肥山澤何嘗太  
枯槁俯慙狗祿十餘年自惜焚魚若不蚤披圖賦此訂同  
盟擬向山中拾瑤草

况叔祺

叔祺字吉夫高安人嘉靖二十九年進士負才名  
伉直不諧於俗與王元美余德甫遊歷貴州提學  
副使棄官歸著有太雅堂集

舒笑堂

石門曲逕倚崔嵬月滿寒潭霧滿屏絕壁忽聽高樹嘯危  
欄都借碧山圍鐘聲亭午客初到鶴夢深秋雲未歸洞日

飛泉晴亦雨西風好爲浣塵衣

余曰德

曰德初名應舉字德甫南昌人嘉靖二十九年進士授刑部主事歷福建按察副使在刑部時與李于鱗王元美輩相倡和著有午渠集德甫詩集

武陽行荅用晦

君侯挾雨過武陽十日不止風逾狂舟人指點浪花白稚子逡巡君馬黃青山案頭作供具日日留君君不住倉皇別我衝泥行十步牽車九回駐兒曹力健能送遠把袂分攜淚痕滿背間芒刺掃復生腹內車輪去仍轉華池蘭坂日夕還洗泥行酒開朱顏千金祇奉垂堂戒一日焉知行

路難君才自是陳思王詩成不數白馬章飛廉元冥大索  
妬遂令風雨來相妨不然君家去此一二舍胡爲紆鬱東  
路長

從武陽溪捕得鯖頗稱嘉魚亟致敬美侑茲短歌

漁郎捕鯖武陽數夜火春泉色深黝腮香照沫吐桃花鬣  
勁衝波掣楊柳此魚不落他人手此味寧忘故人口捉筆  
老夫擲未竟挾雨狂奴急須走自憐魚命失江湖規來猶  
幸充君厨孟嘗門客別有食餼聲外舍徒區區封還莫恨  
溲陽鯁擊鮮不讓淞江鱸蕩口流酥此堪歷何須更作炭  
姬呼醉後長歌好相報一鱗一字千明珠

芙蓉園醉歌

三年未入芙蓉圖芙蓉花開客心苦主人笑我成老夫白  
髮如絲不堪數平生三盃輒相拒今日百壺當判取不須  
勸客移勸主不須畏酒如長虎君不見花前明月多風雨  
百年此身化爲土文章小技亦何補拈君鸚鵡枕君股爛  
醉將心向君吐不然無以稱德甫

五溪

不是林泉好卽能到日晡浪花翻白鳥石嶼亂青蒲豈亦  
沙棠汎將因鴈沼呼陸沈君莫問吾道總乘桴

棧花塢

小憇名園裏桃花樹樹繁塢深春不斷蹊滿客無言翠竹  
寒相映蒼崖勢欲吞坐來迷出處未羨武陵源



初夏過子深園亭

朱榭留春住，閒來物色舒。  
檻花斜倚石，溜水細通渠。  
艇泛魚依席，簾開鳥弄書。  
誰言王子宅，不似野人居。

吳明府隱居

君家曲江上，別業向章門。  
婚嫁早已畢，榮名安足論。  
爲園成獨樂，近市却無喧。  
賴有東湖客，頻來共酒樽。

秋日登毘盧閣

落木層城萬壑陰，暝烟高閣一登臨。  
青樽夜坐愁俱破，華髮秋來病轉深。  
雲裏金莖通碧漢，霜前霽梵度遙岑。  
十年留滯羞微祿，何似空門不住心。

登塔

誰辨龍池萬劫灰  
相輪高倚白雲迴  
廬峯對似孤飛鷺  
登水看疑一渡杯  
深夜珠光浮舍利  
半空金色見如來  
西方有客曾傳語  
無數蓮花井上開

懷徐子與

苦憶湖州信  
兵戈尙未休  
感時愁更切  
念爾見何由  
萬國征輸盡  
三吳戰血流  
卽今江海上  
那不問扁舟

張 曖

曖廬陵人  
嘉靖三十一年鄉舉  
官常德同知

鷺洲書院

洲迴白鷺水  
天寬萬竹蕭  
森映急湍勝  
跡千年開大  
陸中流一柱  
砥狂瀾  
窓穿樹色玲  
瓏碎枕送濤  
聲曲折寒最  
是

文翁遺澤在祇今風月共誰看

張照

照字獻廷南豐人嘉靖三十一年鄉舉令祁陽有德政人以比元道州詔靈壽三年入覲乞休靈壽士民走京師丐留詔復任秩滿擢榮府審理正遂告歸

初夏園居卽事

初涉園中趣頽然岸幘巾燕歸如認主蝶瘦欲依人竹覓  
曾栽處花憐再度春無能自拘檢隨意踏莎茵

石佛

佛骨千年竟不磨禪心依舊照恒河掌中瑞露秋先得頂

上泥珠夜更多錫杖飛回衣是鶴玉蓮座定髻成螺吾儒  
不證無生法肯爲袈裟老薜蘿

續九日登高次李伯野韻

錦石高雲載酒過此身真傍九霄多江楓礙日飛丹葉野  
竹籠煙挂碧蘿塞上歸鴻思北浦人間老鳳憶卷阿補酌  
佳節知君健重把茱萸一浩歌

張淵

淵字時躍號雙山信豐人幼以竒童稱嘉靖三十  
一年鄉舉歷知旌德鳳陽縣以介特與時忤乞歸

晚憩山寺

蕭寺鐘鳴日已昏獨騎欵段到山門長明燈照塔前樹乞

食僧歸郭外村塵榻尙多千歲骨枯禪難返昔年魂夜深  
誰共三乘語坐對長廊月一痕

張鳴鳳

鳴鳳字羽王豐城人嘉靖三十一年鄉舉選授府

通判

留別黃門周公

清時落拓媿無能何事高人獨見稱朝議遽寬重譴吏聖  
恩因借六安丞雲山曙色催行李秋渚離心醉采菱夢裏  
亦知雙闕路幾回深夜悵殘燈

羅汝芳

汝芳字惟德號近溪南城人錦子嘉靖三十二年

進士五歲從母授孝經比長以聖賢自任歷官雲  
南叅政有幹濟才以論學爲張居正所惡罷歸卒  
門人私謚曰明德

遊紫霄觀步同年李詡菴韻

紫霄深處九回溪溪上巖巒北斗齊龍隱碧潭花氣合鶴  
巢蒼樹野煙迷春光愛客晴偏媚山鳥窺人暖自啼路迴  
不妨乘夜入石床雲滿足幽棲

從姑山

松柯梅幹匝山腰翠萼光寒夜未消好約仙人王子晉月  
明峯頂坐吹簫

書岡留別

匹馬西來又北岡清風依舊是柴桑相看不盡九秋興一  
曲倚蘭生古香

史桂芳

桂芳字景實號惺堂鄱陽人從傅明應講學白鹿  
洞得性理之旨嘉靖三十二年進士爲歙縣令陞  
南京刑部主事出知延平府累遷兩浙鹽運使乞  
病歸

重至鹿洞書感示同志

紫陽學脈千秋在子靜流徽奕世傳汲井自慚牽短綆登  
程惟慕著先鞭誠明應到無虧處義利須嚴未發前聖澤  
有源逢定易洞中流水是原泉

高應芳

應芳字惟實金谿人嘉靖三十二年進士巡按山東誅青州聚眾首惡餘黨解散晉太僕卿疏馬政八事詔著爲令有羊洞遺稿谷南集

文昌橋

跨漢通牛渚涵空入斗分波迴分月樣井聚應星文彩鳳  
初翔樹潛龍欲起雲誰爲題柱客應識濟川勲

鄧元錫

元錫字汝極號潛谷南城人羅近溪門人嘉靖三十四年鄉舉杜門著述不復應試徵授翰林待詔  
固辭不獲甫就道卒鄉人私諡文統著有五經釋



三禮釋函史潛學稿諸書

雪泊擬峴臺

擬峴臺前雪風帆撲每斜閒雲停似樹遠水望疑沙剡曲  
王郎棹銀河漢使槎何知同旅鴈棲泊暮江涯

古詩送王子仁

噓物寧非風風勁物乃戕駕車寧非馬馬疾車以僵百獸  
伏騶虞衆禽景鸞鳳豈無鷹隼姿搏鸞難爲良

別江子

良農程歲功豐凶非所諳良賈經儲積利鈍皆所甘曾以  
水旱故棄捐任與負曾以貿易薄棄捐絲與布十年經世  
業料理亦有素奈何乘輶輶中達思改鸞人生各有職治

職各以勤承誦蟋蟀篇愾然念先民

雙烈祠

哀哀鄧婦王抱姑當天哭賊毋殺我姑殺我我不辱我姑  
喪翁早青春二十五完節長我夫年歲忽已暮奈何刳之  
去驅迫同伴擄姑死婦隨之相抱泉臺路皇皇節孝門暉  
暉映終古瀾瀾水尾洲有血不化土行人毋涉水中有節  
孝苦

榮木五章

榮木念  
將老也

莛彼榮木朱熒其華既夕隕而溘然泥沙眷言內傷有生  
無涯弗力弗競何及遑嗟

榮木暉暉薄言觀者成蹊無何莫過其下靜言孔念時日

予假力競弗逮而違多暇

先師有訓鐘鼓其鼓四十見惡若無其聞已而已而孰畏其臻途人可再奈何弗勤

嗟而小子孱而有覺日漸月流迄今逾邈誰實膠汝而俾前却途人可堯心焉如灼

二曜一轂決驟駸駸往者弗及來者未任力所可寘日惟斯令失今不力實悔我心

平陵東

戊午秋九月盜入新城南關焚其郭郡婦王死之  
執涂氏僮於城東問城可攻否曰不可連詰之終  
不可而死是日我焚盜旗賊敗退

李陵東松柏桐誰張旗挽弓我城高堅那得攻城不可攻  
頭可截頭可截城那可越蕭蕭萑莽出血莽出血雙箭  
捷轟轟礮砲大旗裂

龍湖水

龍湖水青如藍白如練劍履仙人不可求崖側龍根自蟠  
蹇天風吹霜萬木號崖石刺天龍峽高丹砂黃金不可問  
古亭照碧生秋蒿龍湖水深不見底馮尼宮中眠不起星  
霜一夢九秋寒漉漉元雲空萬里枯椿一夜椿水生硃厓  
裂壑神蛟騰湖邊白石流不去長對龍宮的的明

東巖山

甚愛巖遊樂閑來散客襟飄分雲液白衣帶石花深不減

山陰興終懷谷口心此中山水意盡付一囊琴

初夏登眺天峯

江城開宿雨孤嶠其躋攀龍氣留蒼壁鶯聲響碧灣危峯  
斜帶郭幽徑曲盤山不少東林興迢遙未忍還

題愍忠祠

重雲止馬黎灘水返景朱衣石峽湖此日精靈還走敵當  
年論議慨非夫艱危一劍千秋白坎壈孤忠百戰紆聞海  
風塵誰定息南天佇立迴愁予

三年同地昧平生掩袂西風幾愴情多難生前惟雪涕論  
公身後竟浮名龍蛇陣逐江煙散牛斗光留劍氣明欲起  
九原挹蕭爽滿天涼露月盈盈

雜言別傅陳二友

羲娥無停轂青陽忽朱明  
柔條奮翹柯原隰何青青  
往者日以徂來者日以榮  
嗟余玉寡劣晞聖徒有營  
邁往信不力逾覺時序傾  
我身所以立豈不恃友生  
奈何同心侶中道各有程  
戚戚增紆思薄言寄深情

途中雜詩

河水走平土郡邑何偪側  
君莫問河防河防無上策

首春遊赤岸桃園

穠花錦塢自成村蜂蝶紛紛日過門  
一樹冬青數竿竹板橋南畔獨開尊

天堂寺舊逼虎蹲岩而廢徙數十步  
岩端揖其前華

蓋羊稠諸山環抱完密儼然城闕賦此

石室新開寺天堂舊得名世猶傳米穴吾自愛霞城谿虎  
維全伏稠羊卧不驚散花疑下界縹緲玉虛聲

擬古

人皆願延年延年欲奚爲一夕復一朝忽與百歲期誰能  
繫西日長挂扶桑枝羣流赴巨壑寧復有還時劉安將雞  
犬八公徒愕眙秦皇與漢武但爲方土嗤

譚浚

浚字允原號勺泉南豐人隱居不仕鄆元錫與友  
善嘗序其所著書推服甚至有南豐備錄及詩文

集

與李郭凡琴石醉後送諸姪遊太學

卽看諸子向金陵猶有東風在故城  
蔓翠湖春空草色超  
遙臺晚尙鶯聲雪霜種種新  
余髮花萼輝輝舊帝京  
槐市高談無限好竹林長嘯竟何營

胡直

直字正甫泰和人嘉靖三十五年進士除刑部主事出爲湖廣按察僉事歷四川布政司叅議乞休起補湖廣提學副使陞廣西左叅政歸有衡廬精舍藏藁

龍洲書齋新霽客至

芳洲綺樹接江城曲巷回軒霧細生  
弱柳廳中銜宿雨遊



絲水面帶新晴林花點草粗成字山鳥呼羣自有名卧病  
一春蘿逕滿君來時復掃柴荆

登衡嶽

弱齡慕遐舉中爲世網嬰雖抱及物志而非濟時英家本  
衡廬交早負泉石盟東憲涉湘沅吏事滋牽縈岳奠疆  
域渺若隔蓬瀛恭承帝新命駕言自西征廻車恣探歷使  
我夙心傾朝暉蕩蕩雲巘導我游上清吾衰疲塵鞅學道未  
有成安得同心友眷言事耦耕

卧雪東林寺延望天池感賦

宿世天池客雲深世絕尋東舍匡仙館西家遺奉林一落  
何遲迴鸞輪久莫馭悵望山頭雲徘徊山下路

宿白水寺

春深傳道鹿開山，獨往飄然歷九關。  
齋閣只同雲坐卧，祇林惟趁鳥飛還。  
豈無散聖遊方外，信有諸天異世間。  
欲夢周公吾老矣，楚狂遺跡似堪攀。

得侯介潭消息

消息西來未忍聞，若爲多難復離羣。  
投荒自分先朝露，歎逝那知對隴雲。  
隔歲行塵猶避馬，早春芳草已孤墳。  
生還倘過山陽道，長笛何堪聽夜分。

秋日田間

今日春田大半非，秋田猶喜荳苗肥。  
歡同禽鳥呼朋出行，趣漁樵共路歸。  
木落似延山入座，霜寒曾製薜爲衣。  
農家

濁酒堪忘世不爲長生始息機

二月一日曉渡秦和江

綠楊接葉杏交花嫩水新生尙露沙過了春江好回首汀洲一帶有人家

西昌沈氏有山谷書杜陵山水圖障歌作江山堂堂廢其後人以黃書求題跋感賦一絕

杜老已亡黃九去長歌大字落江山百年風物今何似春水晚烟飛白鷗

石蓮後洞轉尋又一小洞

不覺窺明見先從踏暗來忽然闕混沌那復有塵埃高竇客天入重關付月開未須嫌間寂作伴翠莓苔

立秋後有懷京洛諸故舊

秋序昨夜至，炎蒸尙復然。青山不改色，黃葉墮我前。物性固細微，適得氣之先。人生宇宙間，俯仰終百年。質匪金石固，豈得恒雕鐫。朱顏亦易失，皤髮無由元。念我三生友，磊落皆俊妍。清狂二十載，聚散如雲烟。高歌白玉堂，隱約青楓顛。行止固不偶，所賦良由天。云何謬一出，凌空失高鶩。自慚白衣久，有負青瑣賢。九霄高漠漠，千里情悄悄。昨誹東籬菊，欲買南山田。安分乃吾事，富貴甘棄捐。努力事勲業，諸公斯勉旃。

清虛子

清虛子黃金客，妙年出入黃金闕。曾侍天壇禮玉皇，鶴擎

羽衣金蕩節或隨列禦寇乘風八極中或從赤松子吐納  
凌青空三花既結頂五炁仍蟠胸松柏豈媚桃李容清虛  
不與流俗同有待功成拂衣去桃花源上期相逢

黃氏松竹圖

憶昨謀陽故人邀我遊芙蓉溪蜀葵花開蒲葉齊錦筍瑤席  
美清夜醉看明月流溪西芙蓉溪才士淮東客還家暫息凌  
雲翮疊嶽開屏對畫樓喬松偃蓋環深宅夙志真名流結  
屋亭西頭松篁手自種九夏如三秋我時醉卧北窓裏朗  
吟似覺商飈起繡棚暗祝赤龍鱗翠葆曉抽青鳳尾陽烏  
漏金光陸離舊葉未落生新枝清音時聞夏蒼玉倒影忽  
作元雲垂載調綠綺琴和以淇澳篇知心獨想子猷在林

下豈特山濤賢君家伯仲真連璧  
昨者過從應咫尺去年漂泊江水東  
幾回悵望長相憶長相憶可奈何酌君酒爲君歌  
東梁倦客日已老南州故吏今無多  
新圖遠寄堪怡悅終當更棹山陰雪  
擬約謀陽再訪君揮毫書徧琅玕節

寄鄧給事中子信

金吾往往到巖扃爲訪湖山有客星  
別後鬢華秋易白把來衫袖老猶青  
江都久廢天人策闕尹能留老子經  
但得雲龍滿朝野鴻飛何必嘆蒼冥

送邊將還舊鎮

去國長城本舊邱旌旗西上路悠悠  
朝吹出塞羗兒笛夜坐籌邊大將樓  
飲馬直從青海上射雕還過黑山頭  
玉門

關上思歸老定遠應辭萬戶侯

瀟湘雨意圖

鸞竹叢深日未晡寒江烟雨翠模糊東風無限瀟湘意却  
倚蓬窓聽鷓鴣按此首與上送邊將一首一作永樂間賦  
直詩蓋熊榜姓亦胡也今兩存之以俟考

龍洲讀書

窈窕繁花路高虛野甸居漸爲逃世客懶蒼貴人書水閣  
依鷗鳥塵編養蠹魚日尋垂釣侶長在月明初

觀山寺

頗識浮生幻幽尋不記蹤地同離垢國人在沙高峰雲起  
移前嶂窻虛答暮鐘還臨泉穴坐清韻起蟠龍

善字繼甫號穎泉安福人守益子嘉靖三十五年  
進士授刑部主事恤刑湖廣矜釋甚多晉廣東右  
布政征羅旁有功賜銀幣卽以構草廬居族之貧  
者歷太常卿致仕講學里中

### 登武功山

爲愛秋濤生曉日三更振策上層峯澹雲時露天邊岫積  
霧還棲澗底松天柱丹爐何日啟海瓊玉檢爲誰封長風  
忽掃浮埃淨趺坐空堂聽梵鐘

### 曾省吾

省吾彭澤人嘉靖三十五年進士官工部尙書

### 湖口登舟望彭澤



樓船東指海門灣，遙望龍城控楚關。  
浴日長波原九派，擎天砥柱有孤山。  
風雲自擅東南勝，民物猶存漢晉閒。  
二百餘年經故國，可應五老一開顏。

將出彭澤感懷寄任昆州葉江州二別駕兼示族人  
憶昔邁天造，真人起濠梁。  
長鯨蕩彭蠡，西征越潯陽。  
我祖從飛龍，分隸忠武王。  
江漢一以清，移根託郢邦。  
去日旣已遠，世懷梓與桑。  
不圖符休明，陪京總臺章。  
于焉棹洪波，因之覽舊疆。  
舊疆佳山水，古墓何淒涼。  
幸有賢主人，署邑仁風揚。  
貞心貫金石，幽泉睹三光。  
相逢吳中彥，意氣殊激昂。  
詠歌出德聲，此誼安可忘。  
願言我宗族，修先慎烝嘗。

科字進卿一字達泉湖口人嘉靖三十五年進士官中書舍人改御史按浙江與胡宗憲不相下疏劾之尋以勘軍餉事忤江陵意年二十八致仕歸優游林下五十餘年卒

登石鐘山

楚水吳山望不同雙鐘五老自西東  
逢僧莫證無生旨浮世何人悟色空

湖口阻風

夜宿滄江上濤聲夢裡聞  
漁歌連楚些郢曲入吳雲  
暫接衣冠客還尋鹿豕羣  
移琴鼓流水涼月白紛紛

會同亭

同亨字于野吉水人嘉靖三十八年進士授禮部  
主事隆慶初爲文選郎中薦用遺逸力請去萬曆  
初起大理卿歷太子太保南京吏部尙書致仕歸  
卒諡恭端有泉湖山房集

贈趙人叅赴山西

雁門關外羽書飛帝念西征數解衣邊徼鼓鼙渾未歇人  
家烟樹覺全稀無煩兵法儲行橐自請長纓出禁闈十二  
屯田方略在策勲看拜徹侯歸

題永和歐陽監丞公祠

監丞祠廟接江城古木寒雲入望平一死疆場酬素志千  
秋俎豆表丹誠臨焚罵賊言何壯弔古懷人淚欲傾闕典

未增忠節祀揮毫題罷倍含情

白沙晚眺

幾處人家傍水隈  
望中沙白鳥飛迴  
夕陽笙吹中流發  
疑有真仙擁節來

次登雪浪閣韻

閣上寒雲冉冉霏  
江頭木葉傍人飛  
高秋倚檻聞霜杵  
落日停舟坐釣磯  
登眺有懷工作賦  
追陪無計慰摛衣  
清風明月成孤賞  
負却山中蕨筍肥

舒化

化字汝德號繼峯臨川人嘉靖三十八年進士官  
至刑部尚書乞歸卒贈太子少保諡莊僖學者稱

龍岡先生著陰符易解諸書

千金跋

天源紆曲護江城南粵飛龍界水平比屋似鱗千瓦合孤  
舟如鳥一帆輕隄留古樹星槎近岸夾桃花雪浪明四百  
年來豐樂地何當扶醉覓閒行

何源

源字仲深號心泉廣昌人喬新弟嘉靖三十八年  
進士令嘉興平反積訟一邑稱神君官至刑部侍  
郎以清節著卒贈右都御史天啟初謚靖惠

高節婦易氏詩

逝水無回流落日不返照結髮事良人誓言與偕老妾命

亦何極參差在中道

中道忽參差永作分飛鳥  
灑淚額蒼旻斷腸忍席藁豈不  
死殉君遺孤尙襁褓

襁褓旣云釋所憂忝厥老  
燈前夜雨深月下秋砧擣聽得  
呖語聲自傷此懷抱

毛貞女詩

吁嗟乎毛貞女稜稜氣節橫  
秋宇少小深閨不見人靈臺  
光徹天無雲手持一卷列女傳  
把玩沈吟失昏旦父母擇婿  
得名家從身素潔羞春花西風  
一夜損連理願將薄命從君死  
從君不幸未委禽妾身聞命先  
委心百年光陰一瞬息地下相  
從雙白璧嗟嗟白璧碎有時此  
女此節千秋

知

魏時亮

時亮字敬吾南昌人嘉靖三十八年進士隆慶初以兵科左給事使朝鮮還進戶科請薛瑄陳獻章王守仁從祀文廟累官南京刑部尙書卒謚莊靖平壤拜箕子墓并訪井川遺跡

禹範留西土先生獨向東道無浮海歎義與采薇同舊井存般畫母冠尙古風荒邱平壤外麥秀想遺宮

漆文昌

文昌號對溪新昌人嘉靖四十年鄉舉工書畫好

吟咏歷官雲南叅政告歸

謁黃山谷祠

先生奮百世聖人蒙清光誰謂江梅實終然官路多道應  
隨出處位豈必巖廊千載龍溪水悠悠思慕長

朱 袞

袞字文龍德化人嘉靖四十年鄉舉歷知南靖武  
城松陽民皆立生祠晉宛平風裁嚴峻擢刑部郎  
出守思恩尋致仕嘗創會館置義冢鄉人至今德  
之

借鶴亭歌

有鶴有鶴白如雪騎鶴仙人有鶴癖方壺蓬島不可常一  
朝彈落絃歌堂冷暖百不驚低昂還自得軒然立庭階相



海國詩存 卷五十一  
看欲忘食我歌爲我鳴穿雲裂石天冥冥我醉爲我舞風  
落梅花春色古人間日月雙跳丸丹砂在頂無人看天空  
舉足可萬里何如歸刷青田翰

高則益

則益字受所南昌人嘉靖四十一年進士官至四  
川叅政

聖駕大閱歌

平明仙蹕下丹霄千騎風雲擁射鵬盡道吾皇能將將軍  
中誰是霍嫖姚

楊汝允

汝允字惟明南昌人嘉靖四十一年進士歷官姚

安知府有九霞山人集

同日冊封六妃

宮花笑日草生春  
喜動天顏沐寵新  
同侍翠華遊幸地  
不知辭輩是何人

王建中

建中字懋德上饒人嘉靖四十三年鄉舉知大理府抵郡革除陋俗以化苗疆尋乞歸卒有集

金川寓館

天半雙旌迤邐行  
停驂一望亂山橫  
無邊落木秋將老  
何處登樓月最明  
萬里秋心寒雁影  
五更鄉夢曉雞聲  
馳驅終日關何事  
官職而今祇送迎

阮純如

純如號會堂新昌人貴州籍嘉靖四十三年鄉舉  
歷官瓊州知府以清介著有浪遊草

地藏寺僧房

千載幽居伴竹林春風何意獨招尋看他蓮社年年好動  
我籃輿日日吟白馬似飄山下練黃花如布寺前金曉鐘  
催送孤城去誰識溪橋一笑心

楊時喬

時喬字宜遷號邱庵上饒人嘉靖四十四年進士  
除工部主事上時政要務萬歷朝累遷南太常卿  
請議建文諡尋拜吏部左侍郎主京察忤沈一貫

意九疏引疾不得歸請錄貶謫諸臣鄒元標等二百餘人卒贈吏部尙書諡端潔著有南闕樞事禹碑釋諸書

九仙巖

亭亭松蓋滿山浮寂寂苔衣徧地幽漏滴半空傳雨信臺陰十里障江流龍飛漢表雲歸鉢虎嘯林邊月暗樓我笑山僧能解意夜深燈火爲人留

蕭廩

廩字可發萬安人嘉靖四十四年進士由行人拜御史因地震抗疏論朝事並請加禮中官尋按陝右嚴邊事諸鎮肅然詔按兩浙請祀靖難忠臣十

二人復從祀王文成於文廟累遷至兵部侍郎卒  
贈尙書有微言集

過諫議故里

諫議遺風綿水邊雙忠一去幾經年生前霜簡秋橫鶚死  
後風泉夜聽鶻古道有祠人寂寂荒園無主草芊芊我來  
惆悵斜陽裏幾處烏啼暮雨天

桂天祥

天祥字子興臨川人嘉靖四十四年進士授祁門  
知縣擢監察御史巡按山西上疏諫廢后不報出  
知大名府攷績天下第一卒於官

發和州

樓船開旭日涼露灑征衣擊楫橫江浦投詩采石磯  
潮來紅蓼没人語白鷗飛天際瞻宮殿金陵在翠微

李 棡

棡字孟敬豐城人嘉靖四十四年進士官至浙江  
按察副使

送友人還楚

南浦仙舟發颺風江上清故人從此去悵望若爲情  
落日浮彭蠡歸雲滿洞庭鄉心逐流水西下武昌城

高德成

德成號雲臺南豐人嘉靖四十五年貢於鄉官揚  
州通判

贈謝大發吾省親

曉來新雨楚江深孤棹憐君此遠尋日落瀟湘添晚色雲  
歸雁蕩作春陰天涯芳草思家淚月下啼猿獨客心秉燭  
夜闌相對處應須先寄白華吟

袁熙

熙號白原宜春人七歲能文詞十二補弟子員十  
八貢于鄉嘉靖中官全州知州以憂歸遂不起

喻川閣堤上邑侯

十三歲作

若若腰間橫紫帶峩峩目下加冠豸青天皎日具兩瞻赤  
芾甘棠誰翦拜流落宜春無幾人淵源沫酒應同派願存  
四海一家心直借東風度疆界

朱多燭

多燭字宗良寧獻王六世孫瑞昌王府鎮國中尉  
家南昌博雅好詩與兄多燧齋名里中余曰德造  
相唱和有朱宗良集

雨

觸石陰霞北嶺遙  
逗風寒雨入簷飄  
天涯故舊惟孤枕  
篋裏衣裳祇敝貂  
綻雪蘆花紛歷歷  
經霜楓葉莽蕭蕭  
遣應撼郭濤聲急  
只怪空江上下潮

塞下曲

平明飛騎扣關門  
漢將新收吐谷渾  
從此天山傳白羽  
不教公主嫁烏孫



蘇公祠

西蜀藏名士東湖托隱居野雲寒織屨春雨曉栽蔬心爲  
踰垣苦才寧濟世疎悠然江海外不報故人書

玉隆萬壽宮

西山迢遞隱仙宮誰信人間有路通忽覩樓臺蒼靄外似  
聞雞犬白雲中石幢苔滅三天字欄道霜雕百尺楓靈跡  
祇餘丹井在清秋吟望意無窮

訓羅敬叔

病袞送君遊白嶽歸來對我惜蒼顏移家只是湖邊好莫  
問茱萸第幾灣

朱多姪

多炷字貞吉寧獻王六世孫弋陽王多煌弟封奉  
國將軍家南昌與從兄多燿並有詩名兼工繪事  
好遊變姓名爲來相如蹤跡遍吳越間與王元美  
王百穀遊臨終命以白幘鶴擎斂弟子私謚清敏  
先生有劄遊藁

十四夜翫月憶亡友彭穉修

玉繩界西陸澄空淨如澣庭柯泣零露早見圓景滿悄焉  
增永懷頓令衣帶緩四氣無終極人生一何短心悲雍門  
操泪墮山陽管徂謝子山邱悽其我華館臨觴慘不怡憂  
來莫能欸

丙戌歲除

初年朝旭旦故歲徂景夕  
逡巡蟻旋磨儻忽駒過隙拙劣  
應逃世踈慵翻寢疾逢時獨  
悲悼撫已三太息彌增長年  
媿末契養生術昔賢夙相伍  
枚叟徒見七每有憂生嗟憂  
來恨非一

以古玉釵寄馬姬

千有餘年兩釵股傳玩微沾  
漢宮土當時貴姊應嘉辰此  
物曾經手捧陳同心七寶苔  
花結連理交枝竹節新昭陽  
燕子無消息瞥見釵頭無比  
翼遙憶美人臨鏡粧鳳凰臺  
前雙鳳凰

寄邱二十二謙之

邱郎一官一再左手板三投  
三不可進退艱如躑躅羊功

名澀似葳蕤鎖憶昔與子初結歡觴咏澣祓章江子別來  
忽下閩中命五馬重歌蜀道難聞中君家舊治域父子分  
符如畫一耆舊摩挲去後碑少年拈拾毛中蹟縱有詩名  
天地間那能相見一開顏我擅秦聲君楚舞醉望城頭千  
仞山君當疆仕不得意我尙沉冥未知止與君各自鬪身  
強四十頭顱已如此

酬方于魯以製墨見寄

漢室瑜糜香魏臺石螺色東海元夷使翰林子墨客此時  
落手金不渝無事臨池水應黑阿圭阿谷久無光處士干  
秋擅古方不博一枰獅子注且畱十襲豹皮囊回頭笑指  
窗前女今日雙蛾畫較長

題蘇廷尉子仁寫程徵君君衡北溪幽居圖

新安溪水清絕塵輕舸下可數魚鱗溪邊直釣非漁父溪  
畔幽居有逸民風掃波文縐成縠雨過溪毛細子髮欲雨  
先噓白岳雲層波碎瀉黃山月廷尉先生今虎頭贈君辭  
紙寫滄洲只知看畫矜幽勝忘却身從畫裏游

龍沙

龍沙駐蹕地皇初紀南征草昧君臣定壺漿父老迎平臨  
章貢水遠視濯嬰城今古雄圖在低徊落照明

寄答恩公時聞友人盛仲交之訃

江左貧支遁南州病許詢書工短長說夢覺去來因康寧  
先生論斯文後死身不知盛覽賦零落屬何人

送龍君御北上

薊北三千里揚帆復此行水程時序易身計羽毛輕玩世  
安窮達移官任聖明離心并芳草日夜爲君生

春日懷張羽王

宮旋南嶽駕又作薊門行尊酒不爲別河梁空復情一官  
羈萬里十口寄孤城日暮春雲起相思處處生

七月七日晒書中庭得吳明卿書報謝

捫腹非經笥中庭曝舊書殷生慙半豹楚使慰雙魚委曲  
存加飯綢繆問卜居欲知旋袖地近得比園廬

偕方仲美宗良兄再集苑在亭

一曲君恩重千秋賀監才亭虛水禽集池淨藕花開進艇

涼風送鈎簾返照來誰能與朋好到此不銜杯

過永叔郊居

王郎讀書處何異桐川莊竹舞風梢亂葵烹露葉香哦詩  
迷鹿砦洗研據漁梁久坐春陰合傾杯送夕陽  
雄鳩啼不歇客散近黃昏蠟屐黏香絮單衣繡雨痕炊烟  
尋去徑社鼓望前村半道牛車至爭馳入郭門

懷姚匡叔時在嶺南

老去高游興南方不可居新愁攻短髮清泪染長裾弔影  
烽烟裏全生瘴癘餘梅花空滿眼珍重嶺頭書

池上納涼履方履中二姪挾琴携酒索臨禊帖醉後  
并示埤兒

小阮發清興，綠尊能爲攜。池頭千个竹，烟月使人迷。  
思焦尾書成損，赫蹄酣呼居。語爾慎勿賤，家雞

邀鄧太素，歐于奇。周孟修廬時，行陳彝甫。但和叔汪  
於海，張明用彭次嘉。王顯之、魏伯饒、辟疆同集賢士

湖上

湖山看不厭，秋盡最宜人。楓葉經霜醉，蘋花過雨新。  
盤馬客瀟灑，好鵝賓携手。論文處行藏已出塵。

衷誠孺，姜堯章載酒邀何主，臣同飲。

窮巷滿春泥，松醪特爲攜。誰憐子桑戶，自惱太常妻。  
�篆苔紋厚，蠶眠薤葉齊。頽然聊取適，相送及雞栖。

智公在永寧寺檢藏



元度繙經後支郎卓錫餘蓮花重結社蕉葉與供書半偈  
叅香象千函校魯魚此中如斷酒那得住籃輿

以叩竹杖壽程孟孺母

龍飛葛陂渚鳩刻漢王宮未若山中竹天然林下風一枝  
供燕喜萬里自蠶叢歷盡峨眉雪深知節操同

送閔壽卿之金山

游客去欲盡送君瀕歲除身投閑士宅口授異人書臥榻  
禪鐙古吟窗水月虛時臨洗研處芳訊付雙魚

送沈子健之餘杭簿

苔水分西浙餘杭更向西郵餐供海錯縣鼓候潮雞風壤  
吳趨接征徭繭縑齊出拳紙價賤鄉信口堪題

同趙汝邁漆中甫二太史宿張明成司業東郊別墅  
分賦

水宿客程歷渡江聊繫舟交憑縞帶結飲約布衣畱野館  
琴書暇田園艸木稠因君解懸榻他日記南州

徙倚步郊坳西山黯翠屏春醪麪塵綠晚餽燭花青小隱  
叢生桂浮踪一聚萍疾邪焉用賦甘學古沉冥

荒雞警人語勸鳥颭風枝枕邴高眠穩驚心起舞遲調元  
期未晚求試計非時總有憂生感忘言各自知

丹霞朝蔽日零雨暮爲霖白日歌長夜青綾共舊衾堦空  
樹瀨咽城遠鼓聲沉蘭葉前溪滿攀芳寄此心

送方元素會黎秘書葬還里

往棹涼風發歸裝淑景溫河山酣暢地翰墨死生恩負局  
輕踰嶺懷鉛尚及門傷心兼恨別欲賦已銷魂

和芾斯兄問疾之作

伏枕殘花盡開門墜葉深膏肓豎子策生死弟兄心原上  
聲猶急池頭句可尋相憐越莊烏不作楚人吟

別俞羨長還江東

昔尋吳市隱邂逅虎邱筵今理南州榻子棲白社禪風偏  
別時便月苦病中圓後會江湖外蒼茫定幾年

病中得余靈承書

少別愁懷積微軀朔氣侵瘡來君子病書展故人心慰藉  
烹雙鯉支持戲五禽山中如見月疑策素車臨

酬從姪鬱儀元長德序

經年向壁臥挺動入春宜談虎魂銷後驚狼痛定時新批  
病梨賦久廢詠我詩忽見堦庭雪因慙和曲遲

移居

屋上青山半隔城門前林木有餘清林連北郭藏春色水  
過東家作雨聲薄祿藜羹堪養老閒身竹素最鍾情人嘲  
寂寞楊雄宅自笑元經草未成

幾車書籍重新遷繞架殷勤手自編一世蠹魚同出入千  
秋鴻寶足畱連揮毫隔竹蕭蕭雨洗墨臨池澹澹烟熟讀  
離騷還痛飲頽然猶藉古人眠

長至日內集分陽字

緹室飛灰月轉陽  
閉關兄弟且持觴  
共書雲物驚時改  
秬益窮愁與日長  
旋袖一爲鴝鵒舞  
稱詩三復鶴鴿章  
阿奴不預人間事  
歲歲承顏在北堂

熊茂初請假還蜀過幻景菴言別同孔陽弟酌之限

歌字

十笏家開宰堵波  
宰官乘輿入烟蘿  
狂來擊鉢詞鋒起  
醉後攤書梵字多  
不定重逢爲日遠  
卽論少別奈愁何  
休將白社填篋調  
聽作瞿塘灑瀨歌

問窈甫姪疾

海上何人說禁方  
科頭長似懶稽康  
穿林雨暗茶烟綠  
隔院風微藥艸香  
轉向病中憐故舊  
誰從身後定文章  
閉門

不同春多少靜看飛花墜滿牀

周國雍叅藩寄紅鬪衣賦此爲謝

萬里飄叢亦浣紗使君緘贈自三巴濯殘秋水天孫錦染  
盡春山望帝花嬾集芰荷成襖褐閒過祇樹混袈裟相思  
幾上江邊閣却捲珠簾坐暮霞

同劉問之啟明弟鬱儀元長德操潔之姪埶趨兩兒  
伯壘澤宏孝穆姪孫步出郊園料理歡喜菴飲賢士  
湖上

二月郊原艸樹平水邊重賦麗人行逃禪有地詩稱社負  
郭無田筆代耕波暖鏡花含笑態林暄簧鳥竊脂聲相逢  
閑客忘機事轉洽年來抱甕情

送顧朝肅出守虔州

楚息青鸞駕紫駟竹符新剖治虔州署中望闕孤臺聳江  
上行春二水流氣候不齊連嶺海土風相雜半閩甌停車  
試問廉泉在要識澄清顧禮侯

司寇臨海敬所王公閱眎三鎮遠以圖說見遺賦詩  
爲報

鳴笳伐鼓出居庸馮軾邊城萬騎從每飯未嘗忘鉅鹿一  
編今已盡盧龍行專閩外紆籌策歸向尊前論折衝莫道  
書生無劍術箭中霜色吐芙蓉

懋書畫見故人梁思伯遺翰不勝懷舊之感

逼除行柯繫江干盤礴津津到夜闌雨雪漫題詩閩去河

山遂隔酒醺寒楚陵有劍徒心許南海無珠作泪彈素纈  
淋漓裙數幅悲來閒篋幾迴看

謝張直卿方岳以鐵如意見遺

土花斑剝錦模糊一片寒冰出鍛鑪致向書中稱折角捉  
來石上穩脚踏提携起舞旋長袖慷慨酣歌缺唾壺多謝  
司空僥博物祇愁無地擊珊瑚

送雷元亮赴國學

浦口餘春水舟前換夏雲黃鸝低度曲綠蟻易成醺去鼓  
橋門篋行談虎觀文曉鞍官月引宵枕禁鐘聲紈扇窺裁  
雪虞絃聽奏薰但教逢得意寧復歎離羣

送高汝謙廉訪之蜀



叱馭王程急何辭棧道難  
刀州開憲府劔閣擁詞壇  
一水縈巴字層城壯錦官  
魚膏丙穴美書發酉陽  
看風采名先動霜威暑亦寒  
褰帷諭父老爭覩惠文冠

送朱茂倩秀才由貴竹趨滇南省覲奉東當路諸公  
英妙魯諸生趨庭肯計程  
所思官舍遠不憚鬼方行  
前渡清湘水先聞苦竹聲  
動人獺狽嘯勸客鷓鴣情  
雜處風隨異夷居語未明天  
低莊嶠壘山隘武侯營  
庶卉惟分色昆蟲莫辨名  
祥龜符赤器天馬濯龍坑  
入貢來馴象臨流想石鯨  
幾年方偃革無事習佳兵  
漸化諸酋俗新安六詔城  
一人今有慶孤旅夜無驚  
重鎮須公等修塗荷太平

除夕咏懷

白屋多強仕朱門屈壯夫萬端皆落後不獨是屠蘇

贈滿公

土木形骸滿月容儘教髭鬢雪茸茸不知夏臘皆如此清  
影巷前手種松

撥悶

雨暗春城十萬家強搯髭几到棲鴉峭風欲閣游人屐  
監盡牆頭柰子花

別何主臣之金陵兼柬歐水部

桂樹來攀雪滿枝芙蓉去采月臨池憑將蟬雀新團扇與  
乞江東水部詩

送梁傳之從襄陽將母南還

夫人城外漢江平  
逐子南迴五兩輕  
路出鄆邨頻雨雪  
槎頭魚賤筍初生

送王姬還芝城

靡蕪芽碧柳絲黃  
來往扁舟就沈郎  
一掬宮亭清淺水  
凌波不怨洛川長

泊長蕩

蒹葭一望暮蒼蒼  
長蕩湖頭烟水長  
怪道今朝楓葉盡  
夜來七十二橋霜

湖口縣

湖水澄清江水渾  
江烟湖靄易黃昏  
請看湖口江心月  
一片寒光照縣門

清明湖上

湖畔行吟日未斜  
四年三度客天涯  
不知鶉鴉驚飛去  
寧破來禽滿樹花

過餘干

餘干城頭雲泊天  
琵琶洲下水如弦  
推篷獨詠隨州句  
落日平沙似往年

送蔡氏

爲別旣不易  
贈言良獨難  
小人各自媚  
君子乃憂歎  
投漆必以膠  
合椒必以蘭  
子其寧爾心  
失意古所安

對雨

苦雨何曾歇  
愁陰暗不開  
春寒緜氏嶺  
雲暮楚王臺  
戲水

飢鳶過褰簾濕燕來靜看雙屐齒無事長莓苔

別胡雲從

故侶三年隔離懷一醉銷烟花桃葉渡春草豫章橋末路  
難爲別名山許見招天涯惟有夢相逐往來湖

張叙甫園中牡丹作千花賦此賞之

暮春之初天氣新日日銜杯誰主賓石家錦帳四十里漢  
闕粉黛三千人清絲急管巧相聒伏雨闌風橫見陳繁華  
狼籍且如此不醉恐礙花神噴

寄黎君寔司訓

君才不薄廣文官依舊青瑣一片寒家近郵筒傳白數地  
偏書籍借應難懷人夜雨蘼蕪草畝客春風苜蓿盤聞道

出遊堪累月 祇餘山色滿吟鞍

江西詩徵卷五十八